

## Not' échevin des traus

Minmin, décembre 2008

Sur l'air du poinçonneur des lilas

Ed'sue l'éche'vin des travaux  
El cie qui fait des traus d'pu qui n'ai faut  
Des les hamiaux du villâche  
J'fais du dallâche  
Ed'buse toudis à l'même saqué  
Dsu tous les qu'mins j'fais des chantiers  
Eyé quand l'ouvrâche comméce  
N'paissez nî qu'on ouévra l'diméche  
Pou r'fait les traus, les nids d'pouilles  
Les flaques ed'berdouilles  
Faudroue d'méder au Père Noé  
En mass' d'escoup' pou les r'boucher

J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Des traus d'vée vo place  
Pu personne qui passe  
J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Tout des biôs traus, Tout des biôs traus,  
Tout des biôs traus, Tout des biôs traus,

Y d'a d'jà yeu pou tertoute  
Y n'avoue pu moyen d'prenne el Grin Rout'  
L'rue d'Erbusieu n'astoue ni mieux  
Sâle d'jeu pou vos reux  
Et tout maint'nant l'Rue Franc Boudin  
Vo n'sarie pu dire qu's'est té qu'min  
Faut prenne el déviation  
Dai vo n'auto ça s'ra surmée pu long  
N'avez qu'à vir el maïoressse  
D'minder qu'on s'presse  
Mais pou l'momint s'priorité  
Les plaques de rue de l'entité

J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Des traus d'vée vo place

Pu personne qui passe  
J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Tout des biôs traus, Tout des biôs traus,  
Tout des biôs traus, Tout des biôs traus,

Quand les travaux saront finis  
Faut ni pinser qui n'daura pu dôci  
Y d'aura pou l'téléphone  
L'tévé d'Belgacom  
Pou l'gaz et l'électricité  
On in f'ra même padsou vo nez  
Faut bi vo fait enne raison  
Y aura toudis des travaux d'vée vo maison  
Vo arez biô fait vos prières  
Ni l'penne de braire  
Des traus d'aura partout costé  
Jusqu'à dai l'froumâche d'vo souper.

J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Des traus d'vée vo place  
Pu personne qui passe  
J'fais des traus, des biôs traus, éyé cô des traus  
J'fais des traus, des biôs traus, toudis des biôs traus  
Tout des biôs traus, Tout des biôs traus,  
Tout des biôs traus, Tout des biôs traus,